

Na osnovu člana 89. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17), člana 61. Zakona o upravi („Službeni glasnik BiH“, br. 32/02, 102/09 i 72/17) i na osnovu čl. 45. i 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17), direktor Agencije za državnu službu, donosi

P R A V I L N I K

O IZMJENI PRAVILNIKA O RADU U AGENCIJI ZA DRŽAVNU SLUŽBU

Član 1.

U Pravilniku o radu u Agenciji za državnu službu, broj: 01-02-3-1079/16 od 16.12.2016. godine, član 11. se mijenja i glasi:

„Član 11.

(Radno vrijeme i odmori)

(1) Radna sedmica počinje u ponedjeljak, a završava se u petak, ali direktor može u opravdanim slučajevima naložiti i rad u dane vikenda, što uključuje i prekovremeni rad.

(2) Na radno vrijeme u Agencije shodno se primjenjuje odluka Vijeća ministara o kojem se uređuje radno vrijeme, te radno vrijeme počinje u 09.00 i završava u 17.00 sati, ukoliko direktor za pojedine zaposlene drugačije ne odredi, vodeći računa kako o njihovim potrebama, tako i o potrebama rada.

(3) U toku dana zaposleni ima pravo na odmor u toku radnog dana u trajanju od 30 minuta, koji se računa u radno vrijeme. Odmor u toku dana se koristi u skladu sa dogovorom sa neposredno nadređenim, a ne može se u pravilu koristiti prije 10.00 ni nakon 16.00 sati.

(4) Dnevni odmor traje od završetka radnog vremena do početka radnog vremena sljedećeg dana.

(5) Sedmični odmor traje od završetka radnog vremena u petak do početka radnog vremena u ponedjeljak, osim za zaposlene za koje je određeno da rade i vikendom.

(6) Godišnji odmor odobrava se i koristi u skladu sa Zakonom o državnoj službi, Zakonom o radu i podzakonskim aktima kojima se regulišu pitanja godišnjih odmora.

(7) U pogledu prekovremenog rada primjenjuju se odredbe Zakona o radu, a u pogledu njegovog plaćanja i odredbe Zakona o platama i naknadama u institucijama Bosne i Hercegovine i njegovih podzakonskih akata. Prekovremeni rad se određuje i naknada isplaćuje donošenjem posebnih rješenja.“

Član 2.

Ovaj pravilnik stupa na snagu danom donošenja i objavljuje se na oglasnoj tabli i službenoj internet stranici Agencije.

Broj: 01-02-3-1079-1/16
18. novembra 2019. godine
Sarajevo



Direktor
Neven Akšamija